

## **Universitätsbibliothek Paderborn**

**Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

Articulus V. De restitutione ex injusta actione.

**urn:nbn:de:hbz:466:1-40013**

*L. 6. Cod. de Rei vindicat.* Dicta pœnacum non sit juris naturalis ante sententiam illam subeundi nulla est obligatio, uti nec temittendi expensas voluntarias, quas ipse Dominus fecisset, fuscus quas nunquam fecisset cum dispendio rei familiaris in rem merè recreationi servientem.

Demum habenda est præ oculis sequens Regula: debitum certum non extinguitur solutione incertâ; jus enim certum alterius inducens debitum urget solutionem certam. Hinc dubius debitor, an solverit debitum, tenetur integrè solvere, Lugo *Disput. 18. à n. 6.* contra Tannerum totaliter deobligantem, quando etiam creditor dubius est de solutione percepta, & contra Laym. *L. 1. tratt. 1. c. 5. §. 4. n. 42.* contentum solutione partis secundum propositionem dubij.

Infertur secundò commodarium, aut depositarium dubium an res commoda, vel depositâ suâ culpâ interierit ad nihil teneri, quia in dubio non præsumitur delictum sine conjecturis fundatibus prudentem præsumptionem, Lugo *num. 14.* contra paucos. Idem dic de conductore rei alienæ: dubius enim an suâ culpâ interierit, manet liber, habetque locum universaliter in omni contractu, immo & in omni debito propter generale principium, quod delicta in dubio non sint præsumenda, *L. merito 51. ff. pro socio.*

Pariter in dubio an cæperis possidere bonâ aut malâ fide, aut dubiâ ex eodem principio nec malâ nec dubiâ præsumitur, nisi judicia fundent contraria præsumptionem Lugo *num. 16.*

## ARTICVLVS QVINTVS.

### *De restitutione ex injusta actione.*

359. **C**ommunis Doctorum sensus negat ullum teneri ad restitutionem ex sua omissione, aut actione; absque omni prossus culpa illius præscindendo ab onere rei accepta (de cuius obligatione actum est Articulo precedente) & ab omni contractu, culpa autem *ex num. 145.* est aut Theologica mortalis, vel venialis, hæcque talis ex semiplena aut plena advertentia; aut est juridica divisa in latam, levem, & levissimam. Quid nomine actionis injustæ intelligatur præmisimus *num. 352.* ut fundet obligacionem restitutionis, debet esse formaliter *injusta*, id est, debet imputari suo Authori, atque adeo fieri cum advertentia, quod jus alienum violetur.

Qua-

Quæritur ergo qualis culpa debeat intervenire in actione, aut omissione proximi damnificativa, ut obligatio sit reparandi damnum. Prima sententia cum Adriano, Panormit. Angelo & alijs ait eam nasci ex omni culpa juridica. Secunda obligationem hanc ante judicis sententiam fundat in culpa juridica lata, secus in levi, aut levissima, nisi post sententiam, ita Sylvester, & alij post Innocent. Tertia stat pro sola culpa Theologica, cum qua, quia regulariter sit culpa juridica lata, etiam hæc regulatiter est radix obligans, si tamen accideret juridica lata sine Theologica, nequic hæc sententia obligare, ita communior cum Molin. Vasq. Less.

Dico primò potest ex dispositione legis latæ oriri obligatio in conscientia reparandi damnum illatum cum sola culpa juridica ut tali etiam lata ante judicis sententiam, defacto tamen sic non obligant ita Molin. *Disp. 698. num. 6.* Ratio primi, quia jus ad reddendos homines cautiores potest suppositâ culpâ juridicâ dare læso jus exigendi reparationem damni per talem culpam illati, quo jure exigendi supposito damnificans tenetur in conscientia reparare damnum ante judicis sententiam. Ratio secundi, quod nullius legis canonice, aut civilis ullus textus ante sententiam judicis transferat jus ad damnificatum ad exigendam damni illati reparationem, nec conditores eorum intendisse ejusmodi translationem seclusâ sententiâ prob. Molin, varijs textibus *Disp. 797.* neque eorum finis aliud exigit, qui erat major cautela fortuitæ damnificationis; hic autem finis sufficienter obtinetur per sententiam judicis.

Cæterum aliquæ leges, quas Adversarij autumant loqui de culpa juridica obligante ad restitutionem, loquuntur de juridica lata, quam dixi regulariter simul esse culpam Theologicam, hoc modo est intelligendum c. si culpa de iurijs, uti colligitur ex illis verbis: nec ignorantia te excusat, si scire debuisti: loquitur igitur de vincibili ignorantia: pariter c. contulisti secunda. quæst. 4. ubi Stephanus V. jubet monendos parentes, nec tenellos secum collocent in eodem lecto, ne ex negligencia superveniente suffocentur: monitio igitur, ne collocent secum in eodem lecto, facit ut eorum collocaatio sit causa per se moralis occisionis, consequenter est culpa Theologica gravis, nec monitio patitur inadvertentiam ad periculum. Unde dixi, quod culpa etiam lata juridica ut talis præcisè non fandet obligationem.

360. Dico secundò culpa juridica lata cum culpa solùm veniali Theologica semideliberata graviter damnificans proximum nequic esse radix obligationis mortalis reparandi damnum grave illum, sed requiritur, ut intervenierit formalis injustitia mortalis Lugo *Disp. 8. num. 56.* Less. Probatur: obligatio restituendi ex vi præcisè formalis injustitiae nequic esse major, quam sit ipsa formalis injustitia; hæc enim supponit unica esse radix obligationis, atqui formalis injustitia supponit esse solùm levis, ergo ut obligatio sit mortalis, injustitia debet esse mortalis. Amplia conclusionem contra Haunold. ad obligationem reparandi damnum grave illum per plura minora fulta plenè delibera-

gata,

nata , uti probatum est à num. 294. & oppositum fund2mentum Haunoldi refutatum.

An autem dicta culpa Theologica ex imperfectione , seu indeliberatione auctus venialis obliget ad partem , vel minorem damni cum proportione ad cul-  
pam. Affirmat Molin. *Disput.* 698. approbatus à Laym. L. 3. tract. 3. p. 1. c. 6. num. 4. addente hanc obligationem esse mortalem , quando pars damni re-  
paranda est notabilis. Econtra Vasq. de Restit. cap. 2. §. 2. dub. 2. obliget ad reparationem totius danini , eum se-  
quuntur Turrianus non explicant tamen an obligatio hęc sit gravis , aut levis : sed non esse grave urget argumentum nostrum , nec gravitatem obligationis probat materiae gravitas , in qua datum est damnum , quia tota obligatio resti-  
tutionis radicatur in culpa damnificatio-  
nis , non in damno materialiter sumpto-  
fīe respectu ad culpam damnificantis.  
Demum communis cum Lugo à n. 56.  
Haunold. tract. 2. n. 294. post Lessium  
& alios deobligat ab omni restitutione ,  
eo quod ejusmodi damnum sit potius for-  
tuitum , quam voluntarium , atque adeo damnificatus nequeat esse rationabi-  
liter invititus , quæ sententia est tuta teste  
Laym. ac in eam sat clarè propendet Gor-  
maz *Disp.* 13. n. 795. ubi ex sententia  
Soarez. tom. 2. de Relig. L. 1. cap. 6. &  
L. 2. de juramento c. 7. negat oriri ob-  
ligationem etiam levem implendi in ma-  
teria gravi promissionera factam homi-  
ni , aut DEO votum vel juramentum  
aut contractum initum ex imperfecta de-  
liberatione , ergo nec injusta damnifica-  
tio in materia gravi potest inducere obli-  
gationem restituendi rem gravem. Re-

spondeo mihi magis probari sententiam Vasq. à paritate culpe venialis delibera-  
tæ in materia levi , & culpe mortalis in  
materia gravi obligantis ibi sub veniali ,  
hic sub mortali ad reparandum totum  
damnum , ergo etiam culpa formaliter  
injusta semideliberata circa materiam  
gravem obliget leviter ad reparandum  
totum damnum , quia circa totum dam-  
num est commissa levis injustitia , ergo  
fundat obligationem levem totum repa-  
randi , hoc enim est conforme juri na-  
turali , aliàs nulla poena de jure naturali  
posset infligi.

361. Objicies primò jus naturale  
obligans in materia gravi obligat gravi-  
ter , sed in nostro casu et si culpa sit ex  
imperfectione venialis , est materia gra-  
vis , ergo . Secundò Excommunicatio  
minor est poena satis gravis , & tamen  
potest quis ei subjici ex culpa veniali ,  
ergo etiam oriri potest gravis obligatio  
restituendi ex culpa levi. Confirmatur  
à poena purgatorij graviore quavis penā  
vitæ præsentis , nihilominus ea imponi-  
tur ob culpam levem. Tertiò , homo  
potest se voto obligare sub levi ad mate-  
riam gravem ; superior sub levi mate-  
riam gravem subdito præcipere : pari-  
ter contrahentes possunt se sic mutuo ob-  
stringere , ergo etiam ex delicto levi in  
conscientia potest oriri obligatio levis re-  
stituendi rem gravem.

Respondeo ad primum major est  
vera quando obligatio fundatur in ma-  
teria , seu re accepta , secùs dum fun-  
datur in culpa levi , sive in materia com-  
parativè ad culpam venialem.

Ad secundum Excommunicatio im-  
poni potest , vel ut Poena , vel ut Medi-  
cina: Ecclesia ut pia Mater raro impo-  
nit

nit illam ut poenam propter culpam le-  
vem, sed ut Medicinam, ut filius la-  
psus reviviscat: obligatio autem resti-  
tuendi non est Medicina, sed quasi po-  
ena: dum oritur ex delicto, quam sibi  
imponit delinquens.

Ad confirmationem omnes respon-  
dere debent, cum nullus Judex huma-  
nus queat decernere culpæ levitatem  
tam acerbam, igitur jus tam naturale  
quam civile aliter metitur gravitatem,  
& levitatem poenæ relate ad rempubli-  
cam mortalem, quam sit pena relate ad

republicam immortalē, respectu hu-  
jus enim judicatur pena levis, quæ ju-  
dicatur à nobis gravissima.

Respondeo igitur poenam purgato-  
rij etsi gravissimam comparativè ad quam-  
vis poenam vitæ hujus, non esse gravem  
relate ad republicam æternam, in qua  
quævis poena temporalis relate ad poenam  
æternam censenda est levis.

Ad tertium Respondeo hoc esse pro  
nobis ut patet ex responsō in fine n. 361.  
quod objectio confirmat.



## ARTICVLVS SEXTVS.

*De obligatione restituendi ex contractu justo, & ex  
quasi Contractu.*

362. **E**X contractu duplex obliga-  
tio nasci potest, una imme-  
diata E. g. agendi, solven-  
di, tradendi id, ad quod te ex contra-  
ctu, seu pacto expresso obligasti; alte-  
ra mediata v. g. cum consensu Petri apud  
eum depositi centum aureos suo tempo-  
re restituendos, hæc obligatio restituen-  
di est immediatè ex contractu, si culpa  
Petri pereunt aurei, præter aureos im-  
mediatè vi contractus justi debitos deber-  
mihi reddere damnum inde securum v. g.  
lucrum cessans, quod patior ex non re-  
stitutis suo tempore aureis, hæc obliga-  
tio immediate radicatur in culpa, me-  
diatè autem & radicaliter ex contractu

oritur, vi cajus se obligavit ad inculpa-  
tam depositi conservationem. Similē  
obligandi modum habent quasi contra-  
ctus, id est, pacta implicita admini-  
strandī bene officia: assumens enim of-  
ficiū tacitè pacificatur cum eo, circa  
quem est exercendum, sic ex quasi con-  
tractu obligantur Tutores, Curatores,  
Procuratores, Advocati, Medici, Pro-  
fessores, Artifices, Confessarij, Chi-  
rurgi, Obstetrix, &c.

Circa contractus tres sunt disposi-  
tiones juris civilis. Prima est de contra-  
ctibus cedentib⁹ in solius recipientis com-  
modum ut commodatum (respicit qui-  
dem hoc etiam commodum dantis liqui-  
dem,

A a a